



Broj: 17-14-22058-14

Datum: 25.06.2018. godine

Na osnovu člana 64. stav (1) tačka b), člana 70. st. (1) i (3) i člana 89. stav (1) Zakona o javnim nabavkama („Sl. glasnik BiH“, broj 39/14), a u skladu sa članom 3. Uredbe o osnivanju Stručne službe za zajedničke poslove Kantona Sarajevo (“Sl. Novine Kantona Sarajevo broj 5/06 – Prečišćeni tekst) i Preporuke Komisije za nabavku roba u postupku javne nabavke i isporuke računara i računarske opreme za potrebe organa Kantona Sarajevo od 18.06.2018. godine, načelnik Stručne službe za zajedničke poslove donio je

ODLUKU

o izboru najpovoljnijeg ponuđača u konkurentskom postupku javne nabavke i isporuke računara i računarske opreme za potrebe organa Kantona Sarajevo

Član 1.

(Predmet Odluke)

Prihvata se Preporuka Komisije za nabavku roba u postupku javne nabavke i isporuke računara i računarske opreme za potrebe organa Kantona Sarajevo i ugovor za javnu nabavku dodjeljuje se najpovoljnijem ponuđaču „**Printex d.o.o. Sarajevo**“, ponuda broj: 53/18 od 28.05.2018. godine i konačna ponuda nakon provedene E-aukcije od 11.06.2018. godine, za ponudenu ukupnu cijenu u iznosu od 34.059,00 KM bez PDV-a (39.849,03 KM sa PDV-om).

Član 2.

(Prijedlog ugovora)

- (1) Prijedlog ugovora dostavit će se na potpis izabranom ponuđaču u skladu sa članom 72. Zakona o javnim nabavkama („Sl. glasnik BiH“, broj 39/14) (*u daljem tekstu: Zakon*).
- (2) Izabrani ponuđač je dužan dostaviti dokumente zahtjevane tenderskom dokumentacijom iz čl. 45. i 47. Zakona u roku od 3 dana od dana prijema ove odluke.
- (3) U slučaju da izabrani ponuđač propusti dostaviti tražene dokumente u određenom roku, Stručna služba za zajedničke poslove Kantona Sarajevo će postupiti u skladu sa članom 72. stav (3) Zakona.

Član 3.

(Objava Odluke)

Ova odluka objavit će se na web-stranici ugovornog organa www.sszp.ks.gov.ba, istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 17-14-22058 od 17.05.2018. godine



Javna nabavka je provedena putem konkurentskog postupka javne nabavke.
Ukupna procijenjena vrijednost nabavke iznosi 49.500,00 KM bez PDV-a.
Obavještenje o nabavci broj: 1230-7-1-47-3-29/18, objavljeno je dana: 17.05.2018. godine.
Tenderska dokumentacija objavljena je na portalu javnih nabavki dana 17.05.2018. godine.

Komisija za javnu nabavku imenovana je Odlukom o imenovanju broj:17-01-05-31300 od 20.10.2017. godine.

Krajnji rok za prijem ponuda bio je: 28.05.2018. godine do 14:00h, a javno otvaranje ponuda je upriličeno u Multimedijalnoj sali (Ul. Reisa Džemaludina Čauševića 1), sa početkom u 14:30h.

Komisija za javnu nabavku je rukovodiocu institucije dostavila Zapisnik o pregledu i ocjeni ponuda broj: 17-14-22058-13 od 18.06.2018. godine koji ujedno čini preporuku o izboru najpovoljnijeg ponuđača.

U postupku po Zapisniku Komisije utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajući zapisnik, u kojima je utvrđeno sljedeće:

- Ukupan broj pristiglih ponuda: 11
- Broj blagovremeno zaprimljenih ponuda: 11
- Broj neblagovremeno zaprimljenih ponuda: 0
- Broj prihvatljivih ponuda: 8
- Broj neprihvatljivih ponuda: 3

Komisija je pristupila analizi dostavljene dokumentacije u smislu provjere validnosti ponuda obzirom na iskazane zahtjeve Ugovornog organa u predmetnom postupku, a u skladu sa procedurama i pravilima utvrđenim Zakonom i ostalim podzakonskim aktima.

Prikaz pristiglih ponuda prema obliku, sadržaju i potpunosti, iz zapisnika sa otvaranja ponuda:

Red. br.	PONUĐAČ	Ukupna cijena ponude u KM bez PDV-a / sa PDV-om
1.	ELUR d.o.o. Kiseljak	40.197,00/47.024,64
2.	ALF-OM d.o.o. Banja Luka	47.280,00/55.317,60
3.	R&S d.o.o. Sarajevo	49.760,00/58.219,20
4.	Kamer Commerce d.o.o. Sarajevo	49.230,08/57.599,19
5.	Robert's Plus d.o.o.	48.113,12/56.292,35
6.	Rebus d.o.o. Sarajevo	48.817,60/57.116,59
7.	Time Code d.o.o. Sarajevo	49.064,00/57.404,88



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094, Fax: + 387 (0) 33 562-220
Sarajevo, Reisa Džemaludina Čauševića 1



8.	Printex d.o.o. Sarajevo	49.000,00/57.330,00
9.	ASPO RAIL d.o.o. Sarajevo	45.104,00/52.771,68
10.	Digitarija d.o.o. Sarajevo	49.500,00/57.915,00
11.	Godimerc d.o.o. Sarajevo	49.312,00/57.695,04

Uvidom u priloženu dokumentaciju i suštinskom provjerom sadržaja i validnosti dokumentacije, te po prijemu pojašnjenja ponuda od ponuđača Elur d.o.o., R&S d.o.o. i Digitarija d.o.o. koji su prihvaćeni od strane Komisije, ista je utvrdila da su sljedeći ponuđači dostavili kompletne i formalno pravno prihvatljive ponude:

1. ALF-OM d.o.o. Banja Luka
2. Robert's Plus d.o.o.
3. Rebus d.o.o. Sarajevo
4. Time Code d.o.o. Sarajevo
5. Printex d.o.o. Sarajevo
6. ELUR d.o.o. Kiseljak
7. R&S d.o.o. Sarajevo
8. Digitarija d.o.o. Sarajevo

Ponude ponuđača Kamer Commerce d.o.o., ASPO RAIL d.o.o. i Godimerc d.o.o. se odbacuju iz sljedećih razloga:

Kamer Commerce d.o.o. je propustio dostaviti ponudu u skladu sa odredbama Tenderske dokumentacije, i to iz razloga što ponuđač nije dostavio kopiju ponude, a kako je zahtjevano Poglavljem IV tačka 1) podtačka o) tenderske dokumentacije, a što je konstatovano na javnom otvaranju ponuda i uneseno u Zapisnik sa otvaranja ponuda. Ponuda se odbacuje u skladu sa članom 68. stav (4) tačka I) iz razloga što ponuda nije potpuna.

ASPO RAIL d.o.o. je propustio dostaviti ponudu u skladu sa odredbama Tenderske dokumentacije, i to iz razloga što ponuđač nije dostavio kopiju ponude, a kako je zahtjevano Poglavljem IV tačka 1) podtačka o) tenderske dokumentacije, a što je konstatovano na javnom otvaranju ponuda i uneseno u Zapisnik sa otvaranja ponuda. Ponuda se odbacuje u skladu sa članom 68. stav (4) tačka I) iz razloga što ponuda nije potpuna.

Godimerc d.o.o. je propustio dostaviti ponudu u skladu sa odredbama Tenderske dokumentacije, i to iz razloga što ponuda ponuđača ne ispunjava postavljene minimalne tehničke specifikacije. Tenderskom dokumentacijom je zahtjevan integrisan DVD čitač-pisač, a što je dodatno pojašnjeno odgovorom na postavljeno pitanje putem portala E-nabavke u sekciji "Pitanja I odgovori" na dan 23.05.2018 u 10:07:24h. Kako je ponuđač Godimerc d.o.o. ponudio vanjski DVD čitač-pisač koji se spaja preko USB kabla, njegova ponuda je neprihvatljiva, te se ista odbacuje u skladu sa članom 68. stav (4) tačka i) iz razloga što ponuda ne ispunjava zahtjeve iz tenderske dokumentacije.



U skladu sa odredbama tenderske dokumentacije, Poglavlje I tačka 8) održana je E-aukcija na dan 11.06.2018. godine sa početkom u 12:00h, a ista je okončana u 12:34h.

Ponudači su u toku E-aukcije podnosili ponude, te je konačna rang lista kako slijedi:

R.br.	Naziv ponuđača	Konačna cijena u KM bez PDV-a	Rang
1.	PRINTEX d.o.o.	34.059,00	1
2.	REBUS d.o.o.	34.100,00	2
3.	Robert`s Plus d.o.o.	35.059,00	3
4.	R&S d.o.o.	35.200,00	4
5.	Time Code d.o.o.	35.400,00	5
6.	DIGITARIJA d.o.o.	35.451,20	6
7.	ALF-OM d.o.o.	40.000,00	7
8.	ELUR" d.o.o.	40.197,00	8

Na osnovu Izvještaja o toku i završetku E-aukcije, a u skladu sa kriterijem najniža cijena tehnički zadovoljavajuće ponude Komisija je dala preporuku rukovodiocu ugovornog organa da ugovor o javnoj nabavci dodijeli prvorangiranom najpovoljnijem ponuđaču, i to PRINTEX d.o.o. Sarajevo za ponuđenu cijenu u iznosu od 34.059,00 KM bez PDV-a.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku, a izbor najpovoljnijeg ponuđača je izvršen u skladu sa Zakonom, podzakonskim aktima i tenderskom dokumentacijom.

Iz navedenih razloga, primjenom člana 64. stava (1) tačka b) i člana 89. stav (1) Zakona, odlučeno je kao u dispozitivu.

POUKA O PRAVNOM LIJEKU:

U skladu sa članom 101. stav (5) Zakona, protiv ove Odluke može se izjaviti žalba ugovornom organu, najkasnije u roku od 5 (pet) dana od dana prijema ove Odluke, na način propisan članom 99. Zakona.

Pripremila: Azra Sipović
Kontrolisao: Sedin Kozadra. dipl.ecc.

Prilog:
Zapisnik o pregledu i ocjeni ponuda

Dostaviti:
1. Ponuđačima
2. a/a



web: <http://vlada.ks.gov.ba>
e-mail: sszp@sszp.ks.gov.ba
Tel: + 387 (0) 33 562-094, Fax: + 387 (0) 33 562-220
Sarajevo, Reisa Džemaludina Čauševića 1

